

Կ Ա Ր Գ

2008 ԹՎԱԿԱՆԻ ՀՈՒՆՎԱՐԻ 1-Ի ԴՐՈՒԹՅԱՄԲ ՀԱՐԿԱՅԻՆ ՀԱՇՎԵՏՎՈՒ-
ԹՅՈՒՆՆԵՐ ՉՆԵՐԿԱՅԱՑՐԱԾ ԿԱԶՄԱԿԵՐՊՈՒԹՅՈՒՆՆԵՐԸ ԼՈՒԾԱՐԵԼՈՒ
ԵՎ ԱՆՀԱՏ ՁԵՌՆԱՐԿԱՏԵՐԵՐԻՆ ՊԵՏԱԿԱՆ ՀԱՇՎԱՌՈՒՄԻՑ ՀԱՆԵԼՈՒ
ՄԱՍԻՆ ՕՐԵՆՔՈՎ ՍԱՀՄԱՆՎԱԾ ՀԱՐԿ ՎՃԱՐՈՂՆԵՐԻ ՑԱՆԿԸ ԵՎ ՀԱՐԿԱ-
ՅԻՆ ՄԱՐՄՆԻ ԿՈՂՄԻՑ ՎԵՐԱՀՄԿՎՈՂ ՊԱՐՏԱՎՈՐՈՒԹՅՈՒՆՆԵՐԻ ԲԱՑԱ-
ԿԱՅՈՒԹՅԱՆ ՄԱՍԻՆ ՏԵՂԵԿԱՆՔԸ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԱՐԴԱՐԱԴԱՏՈՒԹՅԱՆ ՆԱԽԱՐԱՐՈՒԹՅՈՒՆ ՏՐԱՄԱԴՐԵԼՈՒ

1. Սույն կարգով կանոնակարգվում է 2008 թվականի հունվարի 1-ի դրությամբ հարկային հաշվետվություններ չներկայացրած կազմակերպությունները լուծարելու և անհատ ձեռնարկատերերին պետական հաշվառումից հանելու մասին օրենքով սահմանված հարկ վճարողների ցանկը և հարկային մարմնի կողմից վերահսկվող պարտավորությունների բացակայության մասին տեղեկանքը Հայաստանի Հանրապետության արդարադատության նախարարություն տրամադրման կարգը:

2. Տվյալ հարկ վճարողի հաշվառման վայրի հարկային տեսչությունը մինչև հուլիսի 10-ը գույքագրում է՝

1) այն կազմակերպություններին և անհատ ձեռնարկատերերին, ինչպես նաև պետա-
կան կամ պետական բաժնեմաս ունեցող կազմակերպություններին (այսուհետ՝ կազմակերպու-
թյուններ), որոնք 2008 թվականի հունվարի 1-ի դրությամբ հարկային օրենսդրությամբ
սահմանված կարգով հարկային մարմին չեն ներկայացրել որևէ հաշվետվություն, հաշվարկ,
հայտարարագիր և չունեն հարկային մարմնում առկա փաստաթղթերի համաձայն գույք ու
հարկային մարմնի կողմից վերահսկվող եկամուտների գծով պարտավորություններ:

2) այն կազմակերպություններին, որոնք «Հայաստանի Հանրապետության քաղաքացիական օրենսգիրքը գործողության մեջ դնելու մասին» Հայաստանի Հանրապետության օրենքի 6-րդ հոդվածի համաձայն չեն վերագրանցվել, չունեն գույք և հարկային մարմնի կողմից վերահսկվող եկամուտների գծով պարտավորություններ:

3) այն կազմակերպություններին (հարկային տեսչության տրամադրության տակ առկա լինելու դեպքում), որոնց հիմնադիր կազմակերպությունները լուծարված են:

3. Գույքագրման ավարտից հետո համապատասխան հարկ վճարողների ցանկերը ներկայացվում են Հայաստանի Հանրապետության կառավարությանն առընթեր պետական եկամուտների կոմիտեի համապատասխան ստորաբաժանում:

4. Հայաստանի Հանրապետության կառավարությանն առընթեր պետական եկամուտների կոմիտեն ցանկերն ամփոփում և էլեկտրոնային եղանակով մինչև հուլիսի 15-ը տրամադրում է Հայաստանի Հանրապետության արդարադատության նախարարության իրավաբանական անձանց պետական ռեգիստրի գործակալություն (այսուհետ՝ պետական ռեգիստր):

5. Պետական ռեգիստրին տրամադրվող ցանկերը պետք է պարունակեն կազմակերպության (անհատ ձեռնարկատիրոջ) հաշվառման հարկային տեսչության անվանումը, պետական գրանցման համարը և ամսաթիվը, կազմակերպության անվանումը (անհատ ձեռնարկատիրոջ դեպքում անունը, ազգանունը), հարկային մարմնին հայտնի կամ պետական ռեգիստրում նշված կազմակերպության գտնվելու վայրը (անհատ ձեռնարկատիրոջ դեպքում բնակության հասցեն), հարկ վճարողի հաշվառման համարը:

6. <<2008 թվականի հունվարի 1-ի դրությամբ հարկային հաշվետվություններ չներկայացրած կազմակերպությունները լուծարելու և անհատ ձեռնարկատերերին պետական հաշվառումից հանելու մասին>> Հայաստանի Հանրապետության օրենքի 3-րդ հոդվածով սահմանված ժամկետում պետական ռեգիստրի կողմից լուծարված (պետա-

կան հաշվառումից հանված) կազմակերպությունների (անհատ ձեռնարկատերերի) մասին հարկային մարմինն տրամադրված տեղեկատվությունն ստանալուց հետո երեք աշխատանքային օրվա ընթացքում հարկային մարմինն այն պետք է տեղադրի իր պաշտոնական կայքում:

7. Սույն կարգով սահմանված գործընթացի ավարտից հետո Հայաստանի Հանրապետության կառավարությանն առընթեր պետական եկամուտների կոմիտեն լուծարված (պետական հաշվառումից հանված) կազմակերպությունների (անհատ ձեռնարկատերերի) մասին հաշվետվություն է ներկայացնում Հայաստանի Հանրապետության կառավարություն:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ
ՂԵԿԱՎԱՐ

Դ. ՍԱՐԳՍՅԱՆ